

Հիշեք

- Երեխայի ապրուստադրամ վճարելու վերաբերյալ դատարանի որոշումը գործում է բանտում կամ կալանավայրում Ձեր գտնված ժամանակ, քանի դեռ դատարանն այն չի վերանայել: Եթե Դուք բանտում կամ կալանավայրում եք, անմիջապես կապ հաստատեք Ձեր գործով զբաղվող երեխաների օգնության տեղական գործակալության հետ:
- Երեխայի ապրուստադրամ վճարելու մասին դատարանի որոշումն ինքնաբերաբար չի փոխվում և չի կարող կայացվել հետին թվով՝ այն օրվանից, երբ փոփոխություն է տեղի ունեցել Ձեր եկամուտի մեջ, ուստի Ձեզ հարկավոր է գործել առանց հապաղելու:
- Չվճարված ապրուստադրամի վրա տոկոս է ավելանում՝ որպես տույժ:



Այսօր զանգահարեք կամ գրեք երեխաների օգնության Ձեր տեղական գործակալություն:
Դա կարող է խնայել Ձեր դրամը:



Առնուղ Շվարցենբեր, Կալիֆոռնիա
Մահանգի մահանգապետ

Քիմբրլի Բելչե, Կալիֆոռնիայի
առողջապահության և սոցիալական
ծառայությունների գործակալության քարտուղար

Գրետա Ուալաս, Երեխաների օգնության
ծառայությունների դեպարտամենտի տնօրեն

1-866-249-0773 (անվճար)
www.childsup.ca.gov

PUB 248 (11/05)
ARMENIAN



Օգնություն Կալիֆոռնիայի երեխաներին

Երեխաների ապրուստադրամի վերաբերյալ տեղեկություններ բանտում կամ կալանավայրում գտնվող ծնողների համար



Երեխաների օգնության
ծառայությունների
դեպարտամենտ

Ի՞նչ անել, եթե երեխայի ապրուստադրամի վերաբերյալ փաստաթղթերը ես ստանում եմ բանտում կամ կալանավայրում:

Փաստաթղթերը ստանալուն պես կապ հաստատեք դրանց վրա նշված երեխաների օգնության տեղական գործակալության հետ: Դա կարող է արվել հեռախոսով կամ նամակով: Դատարանին պատասխանելու համար Դուք ընդամենը 30 օր ունեք՝ փաստաթղթերը ստանալու օրվանից հաշված:

Եթե հայրությունը հաստատված չէ, և Դուք համարում եք, որ Դուք չեք երեխայի հայրը, կարելի է ստուգում կատարել, անգամ եթե Դուք բանտում կամ կալանավայրում եք: Արյան հետազոտություն չի պահանջվում, և ստուգումը կարող է կատարվել արագ և առանց ցավի: Արդյունքների մասին Ձեզ նամակով տեղյակ կպահվի:


Ես երեխայի ապրուստադրամ պե՞տք է վճարեմ, բանտում կամ կալանավայրում գտնված ժամանակ

Այո, դատարանի որոշումից հետո Դուք պետք է ապրուստադրամ վճարեք: Որոշումը փոխելու համար հարկավոր է գործել առանց հապաղելու: Բանտում կամ կալանավայրում գտնվելը Ձեզ ինքնաբերաբար չի ազատում Ձեր երեխաների նկատմամբ ունեցած Ձեր պարտականություններից: Եթե Դուք երեխաների ապրուստադրամը չվճարեք, չվճարված գումարին տոկոս կավելանա՝ որպես տույժ:



Ի՞նչ է վերանայումը

Վերանայում նշանակում է Ձեր վճարելիք ապրուստադրամի չափի փոփոխություն:



Ինչպե՞ս կարող եմ փոխել դատարանի որոշումը

Դիմեք երեխաների օգնության տեղական գործակալությանը, որը կիրարկում է Ձեր վերաբերյալ դատարանի որոշումը: Ասացեք նրանց, որ Դուք բանտարկված եք և Ձեզ հարկավոր է վերանայել դատարանի որոշումը: Նրանք կվերանայեն Ձեր գործը և կհայտնեն Ձեզ արդյունքների մասին:

Երեխայի ապրուստադրամ վճարելու փոխարեն կարո՞ղ եմ ես բանտում իմ պատիժը կրել

Ոչ: Բանտում անցկացրած ժամանակի դիմաց Դուք չեք կարող ազատվել երեխայի ապրուստադրամը վճարելու պարտականությունից և չեք կարող պատիժ կրել ապրուստադրամ վճարելու փոխարեն:

Որքա՞ն տոկոս է ավելանում չվճարված գումարի վրա

Կալիֆոռնիայում գործող տոկոսադրույքը տարեկան 10% է, որն ամեն ամիս ավելացվում է ապրուստադրամի չվճարված մասին:

Ես կկարողանա՞մ այցելել իմ երեխային բանտից ազատվելուց հետո

Երեխայի խնամակալության և այցելությունների վերաբերյալ որոշումները կայացվում են դատարանի կողմից: Եթե երեխային տեսնելու հետ կապված խնդիրներ կան, ընտանեկան օրենքի խորհրդատուն կարող է Ձեզ ուղարկել այնպիսի մեկի մոտ, որը կօգնի Ձեզ: Ընտանեկան օրենքի խորհրդատուն անվճար իրավաբանական օգնություն է տրամադրում երեխաների խնամքի հետ կապված հարցերում: Դուք կարող եք նաև օգտվել մասնավոր փաստաբանի ծառայություններից:

Կալանավայրից ազատվելուց հետո ես պե՞տք է կապ հաստատեմ իմ գործով զբաղվող երեխաների օգնության տեղական գործակալության հետ

Այո: Դուք պետք է Ձեր գործով զբաղվող երեխաների օգնության տեղական գործակալությանը հայտնեք Ձեր հասցեում, աշխատանքում կամ եկամտուտի մեջ տեղի ունեցած փոփոխությունների մասին:

Կալիֆոռնիայի երեխաների օգնության ծառայությունների դեպարտամենտը իրավաբանական ծառայություններ չի տրամադրում ծնողներին կամ խնամակալներին: